

## 2.

*Alcvinus Leutfredum episcopum coenobii Mugensis in Hibernia solatur et confirmat.* 773-786  
*De Benedicto monacho.* 773-786.

*Cod. H fol. 63-63'.*

*Edd. F 208, J 7, — Migne col. 493.*

SANCTISSIMO PATRI ET AMANTISSIMO FILIO LEUTFREDO EPISCOPO<sup>1</sup>  
 ALBINUS SALUTEM.

Vere fateor, quod tribulatio tua torquet<sup>a</sup> animum meum, dum audio te in periculo esse statutum nec officii tui implere posse ministerium; sed bellator spiritualis bellator cogitur esse carnalis. Tamen spem habeto in Deo et consolare te ipsum in Dei misericordia; sperans in illius perpetuam bonitatem, quae numquam deserit sperantes in se. Tribulatio super tribulationem incumbit, quia peccatum super peccatum adcrecit. Quid vero ea tribulatione, quam pateris<sup>b</sup>, agendum sit, Benedicto fratri dixi. Quid vero de me actum sit, omnia caritati tuae ille ostendere poterit.

Deprecemini Dei clementiam super nos, ut dirigat vias nostras, quod suae bonae voluntati placeat et nobis ad perpetuam proficiat salutem.

Nec te bellantium armis ullatenus inmiscere consentias<sup>2</sup>. Fuge ad Christum, iacens ante eum clama: 'Misericordia mea et refugium meum; susceptor meus et liberator meus, in ipso speravit cor meum'. Valeto in omni prosperitate.

## 3.

*Georgius episcopus Ostiensis Hadriano I papae renuntiat, quid una cum Theophylacto episcopo Tudertino et cum Wigbodo Caroli I regis Francorum legato in duabus Britanniae synodis gesserit.* 786.

*Cod. Guelferbit. Helmstad. 454 (quondam S. Maximini Trevir. 148) s. X. fol. 113'-127' (de quo cf. v. Heinemann Die Handschr. der herzogl. Bibl. zu Wolfenbüttel I, 356, ubi imago libri datur; Sdralek p. 86-100).*

*Edd. Historia ecclesiast. Centuriat. Cent. VIII c. IX col. 575-587, repet. Spelman Concilia orbis Britann. I, 292-301; Wilkins Concilia magnae Brit. I, 145-151, Haddan and Stubbs Councils relating to Great Britain III, 447-461, ex parte J 10. Prologum a Centuriatoribus omissum ex cod. ed. Wasserscheleben Beiträge zur Gesch. der vorgrat. Kirchenrechtsq. p. 163, acta ipsa ex cod. Sdralek Wolfenbüttler Fragmente p. 124-132.*

2. <sup>a</sup>) torpet corr. in torquet H      <sup>b</sup>) patieris H

1) *coenobii Mugensis in Hibernia.* V. Simeon. Dunelmens. hist. 773 (p. 44): Hadwinus Migensis ecclesiae antistes sublatu est, et Leuthfriht pro eo est subrogatus episcopus. Leuthfrihti successorem Aldulfum a. 786. consecratum esse scimus; v. Acta synodi a. 786. habitae infra edenda. Coenobium est monachorum Anglo-saxonicorum a Colmano episcopo Lindisfarnensi (661-664) post annum 664. conditum, quod lingua Scottorum Mageo et Muigeo consue te vocabatur (Bedae Hist. eccl. IV c. 4). Idem appellatur a Tigernacho (Rer. Hibern. SS. II, 238) ad 732 Maionense monasterium Saxonum, in Annalib. Ultonensib. (ibid. IV, 110) ad 782 monasterium Saxonum in Maio, a Simeone Dunelmensi p. 44 ad 768 Machui, ad 773 Migensis ecclesia, cui loco nunc Mayo nomen est (in ea Hiberniae parte, quae est inter septentriones et occasum solis, a Westport ad orientem). J. Cf. infra epist. 287. patribus Migensis ecclesiae missam: quam (sc. karitatem) saepius, dum in patria remansi, per fratres vestros ad nos venientes deprecere curavi etc. 2) Cf. infra ep. 194: Tuum est praedicare non pugnare.